

**Aalisartut piniartullu utoqqalinersiaqalereerlutik piniarlutillu aalisarpata ilanngaanneqartarunnaarsnissaannut periarfissat suunersut apeqquteqaat aallaavigalugu oqallisiasiassatut siunnersuut.**

(Inatsisartuni ilaasortaq Siverth K. Heilmann, Atassut)

**Akissuteqaat**

(Peqqissutsimut, Isumaginninnermut Inatsisinillu Atuutsitsinnermut Naalackersuisoq)

Aalisartut piniartullu utoqqalinersiaqalereersut periarfissaasa pitsanngorsarneqarnissaanut tunngassutilimmut apeqquteqaat aallaavigalugu oqallinnissamut siunnersuummut Naalackersuisut qujapput.

Innuttaasut peqqissut suliumatuullu utoqqalinersiaqarsinnaanermik angusereersimasut angusisimannikkaluartulluunniit – tamaasa pisariaqartippavut.

Kikkut tamarmik naligiittut Naalackersuisunit isigineqarput. Taamaammat inooqatigiinni eqimattakkuutaat utoqqalinersiallit eqimattakkuutaanut allanut naleqqiullugit inatsisitigut salliutinneqarnissaannut ilanngunnissaminnut Naalackersuisut kissaateqanngillat. Aalisartut piniartullu utoqqalinersiaminnit ilanngaassivigineqartarunnaarsillugit kisiannili asaasoq pisiniartitsisorluunniit suli ilanngaassivigisarlugit Inatsisartut malittarisassat allangortissappatigit, nunatsinni innuttaasut naligiinngitsumik pineqalissapput. Tamanna utoqqalinersiallinit aalisartuunngitsunit piniartuunngitsuniillu tamanit naapertuilluunngitsusut isigineqassaaq. Taamaammat pullavik taamaattoq Naalackersuisut inassutigiuminartuutinngilaat.

Sulerusussutsip pisariaqanngitsumik annikillisarneqarnissaanik Inatsisartuni ilaasortap oqaatigisaanut Naalackersuisut isumaqataapput. Utoqqalinersiallit sulisinnaasut sulerusuttullu tamarmik taamaaliornissaminnut periarfissinneqassapput. Ilangaassisarnernut malittarisassat sulerusunnermut annikillisisarmata Naalackersuisut isumaqataaffigaat. UKA/144-mut atatillugu ilanngaassisarnernut oqilisaanissamut Naalackersuisut inatsisissatut siunnersuutaanni tamanna aamma tunngavigineqarpoq. Utoqqalinersiallit sulisinnaasut aalisartuugaluarunik pisiniartitsisuugaluarunilluunniit – tamanna iluaqutigissavaat.

Imminermut inuiaqatigiinnullu iluaqutaasussamik, utoqqalinersiallit isertitaqarsinnaanissamut periarfissaannik ataatsimoorluta qanoq ililluta tunisinaavagut? Apeqqut una arlalinnik akissuteqarfigneqarsinnaavoq. Ilangaassisarnernut malittarisassanik oqilisaaneq periarfissat ilagaat. Tamanna Ukiakkut ataatsimiinnermi matumani UKA/144-mut atatillugu suliarineqalereerpoq. Utoqqalinersiallit sulerusunnerannut qanoq ililluta tapersiisinnaanitsinnut allanik siunnersuusiortoqarsinnaavoq. Assersuutitut utoqqaanerusut pillugit aqqissuussinerit taaneqarsinnaapput imaluunniit nalinginnaasumik suliffeqarfeqarfimmik initunerusumik pilersitsisoqarsinnaavoq. Tamanna utoqqalinersiallit sivikilliamik sulisinnaanerannut imaluunniit annikinnermik artorsaatissinneqarlutik suliffittaarsinnaanerannut periarfissiissaaq, taamaammallu utoqqalinersiallit sulisinnaanerat annikilliarortoq naaperiarneqarsinnaalluni.

Taamaattumik sammisaq una pillugu oqallineq Naalakkersuisut akueraat, kisiannili oqallinnermi aalisartunut piniartunullu atugassarititaasunik pitsanngorsaaniisaq kisiat sammineqassanngitsoq innersuussutigalugu. Utoqqalinersiallit tamarmik sulliffeqarfeqarfimmi qanoq ililluta periarfissaat pitsanngorsarsinnaanerivut oqallinnermi ukkatarineqarsinnaappat pitsaassagalarpoq. Kalaallit Nunaata namminiileriartorneranut namminullu pilersornernissaanut taamaalillutik utoqqalinersiallit tamarmik aamma ikiutissapput.

Pitsaasumik oqallinnissamut Naalakkersuisut qilanaarput.